



Agency for Development of Higher Education and Quality Assurance of Bosnia and Herzegovina

Broj: 05-33-2-58-1/24

Banja Luka, 30.01.2024. godine

Na osnovu člana 61. Zakona o upravi ("Službeni glasnik Bosne i Hercegovine", broj 32/02, 102/09 i 72/17), člana 49. alineja 1) i člana 51. Okvirnog zakona o visokom obrazovanju u Bosni i Hercegovini ("Službeni glasnik Bosne i Hercegovine" broj: 59/07 i 59/09), člana 7. stav (2) Odluke o kriterijima za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa ("Službeni glasnik Bosne i Hercegovine" broj 22/23) i člana 2. stav (1) Pravilnika o načinu provođenja javnog konkursa za izbor domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji visokoškolskih ustanova i studijskih programa ("Službeni glasnik Bosne i Hercegovine" broj 22/23) direktor Agencije za razvoj visokog obrazovanja i osiguranje kvaliteta Bosne i Hercegovine donosi

### ODLUKU

#### **o raspisivanju javnog konkursa za izbor domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji visokoškolskih ustanova i studijskih programa**

1. Raspisuje se javni konkurs za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa.
2. Javni konkurs iz tačke 1. ove odluke raspisuje se za četiri kategorije stručnjaka, i to: predstavnike akademske zajednice u Bosni i Hercegovini, predstavnike privrede i prakse, predstavnike međunarodnih stručnjaka i predstavnike studenata, iz naučnih oblasti kako slijedi:
  - prirodne nauke,
  - tehničke nauke,
  - biomedicina i zdravstvo,
  - biotehničke nauke,
  - društvene nauke,
  - humanističke nauke.
3. Potencijalni kandidati svoje prijave mogu podnijeti u periodima kako slijedi:
  - od 01.02.2024. godine do 01.03.2024. godine
  - od 01.06.2024. godine do 01.07.2024. godine
  - od 01.10.2024. godine do 01.11.2024. godine

4. Obavještenje o raspisivanju javnog konkursa objavit će se u trima visokotiražnim dnevnim novinama čija se distribucija vrši na cijeloj teritoriji Bosne i Hercegovine, a cijeli tekst konkursa objavit će se na internet stranici Agencije.
5. Javni konkurs iz tačke 1. ove Odluke se raspisuje jednom godišnje, a prijave kandidata je moguće podnijeti elektronski više puta u toku jedne kalendarske godine, u periodima kako je to definisano tačkom 3. popunjavanjem prijavnog obrasca dostupnog na linku koji će biti objavljen na internet stranici Agencije,
6. Za izvršenje ove Odluke zadužuje se Sektor za osiguranje kvaliteta.
7. Ova odluka stupa na snagu danom donošenja.

### O b r a z l o ž e n j e


Agencija za razvoj visokog obrazovanja i osiguranje kvaliteta Bosne i Hercegovine u skladu sa Okvirnim zakonom o visokom obrazovanju u Bosni i Hercegovini ("Službeni glasnik Bosne i Hercegovine" broj: 59/07 i 59/09), nadležna je za raspisivanje javnog konkursa za izbor domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji visokoškolskih ustanova i studijskih programa.

Obavljajući redovne aktivnosti iz djelokruga rada, Agencija je izvršila analizu Liste stručnjaka u smislu utvrđivanja broja stručnjaka svrstanih u gore pomenute kategorije i naučne oblasti. Analizom je utvrđeno da na Listi stručnjaka nema dovoljnog broja stručnjaka iz kategorije studenti, kao i da je u prethodnom periodu izvršeno brisanje određenog broja stručnjaka sa Liste stručnjaka po različitim osnovama propisanih članom 14. Odluke o kriterijima za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa ("Službeni glasnik Bosne i Hercegovine" broj: 22/23). U prilog navedenom ide i činjenica kontinuiranog porasta interesovanja visokoškolskih ustanova i sve većeg broja zahtjeva za provođenje postupaka akreditacije studijskih programa primjenom modela klastera, te potreba za angažovanjem većeg broja stručnjaka iz različitih naučnih oblasti u postupcima akreditacije visokoškolskih ustanova i studijskih programa.

Imajući u vidu navedeno, Agencija raspisuje javni konkurs za izbor stručnjaka, a Komisija za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa, imenovana Rješenjem broj: 05-33-2-44-11/20 od 08.07.2021. godine će provesti proceduru izbora stručnjaka i utvrditi listu stručnjaka u skladu sa Pravilnikom o načinu provođenja javnog konkursa za izbor domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji visokoškolskih ustanova i studijskih programa ("Službeni glasnik Bosne i Hercegovine" broj: 22/23).

**Dostaviti:**

1. Sektoru 05
2. arhivi



**DIREKTOR**

**Prof. dr Enes Hašić**

www.hea.gov.ba, e-mail: info@hea.gov.ba